

Hojii Iimaana Diiguu-Kutaa 3

Description

Kutaa darbe keessatti wareegni (qalmi), nazriin (silatin), sujuunni fi rukuunni ibaadaa akka ta'an ilaalle jirra. Har'a immoo ibaadawwan kanniin Rabbiin ala wanta biraatiif gochuun shirkii akka ta'ee fi iimaana akka diigu ni ilaalla.

2-Ibaadaa irraa gochoonni kunniin haqa Rabbi tokkicha shariika hin qabneef ta'uu erga mirkanaa'ee, namni ibaadaa kanniin irraa wanta tokko eenyufillee haa ta'uu uumamtootaaf godhee, ibaadaa Isaa keessatti Rabbiitti qindeessee jira, Rabbiin waliin qixxaattota godhatee jira.

(A)-Ibsi kanaa: Rabbiin ala wanta biraatiif qalma qaluun ykn nazrii seenuun shirkiidha. Sababni isaas, isaan lamaan ibaadaa Rabbi olta'aa qofaaf ta'uu qabaniidha. Namni ibaadaa lamaan kanniin Isaan ala wanta biraatiif godhe, shirkii hojjatee jira. Kan akka namoota du'aniif ykn jinniif ykn malaaykotaaf fi kkf niif nazrii (silati) seenu ykn qalma qalu. Amantii sobaa irraa kan ka'ee kana hojjatu. Wanti isaan qalaniif ykn silatii seenaniif faayda namaaf fida ykn miidhaa namarraa deebisa jechuun amanti sobaa amanu. Ammas, isaan keessaa, namoota 'Gara Rabbiitti sirritti nu dhiyeessu' jedhanii yaadun nazrii fi qalmaan gara wantoota gabbaraman kanniini deemantu jira, Rabbiin subhaanahu wa ta'aa'aa ni jedha:

﴿حُرِّمَتْ عَلَيْكُمُ الْمَيْتَةُ وَالْدَّمُ وَلَحْمُ الْخِنْزِيرِ وَمَا أَهْلَ لِغَيْرِ اللَّهِ بِهِ
وَالْمُنْخَنِقَةُ وَالْمَوْقُوذَةُ وَالْمُتَرَدِّيَةُ وَالنَّطِيحَةُ وَمَا أَكَلَ السَّبُعُ إِلَّا مَا
ذَكَّيْتُمْ وَمَا ذُبِحَ عَلَى النُّصُبِ وَأَنْ تَسْتَقْسِمُوا بِالْأَزْلَمِ ذَٰلِكُمْ فِسْقٌ﴾

'Baktiin, dhiigni, foon booyyee, [maqaa] Rabbiitiin ala kan biraa irratti ol fuudhame, [du'uuun dura] wanta gorraatan malee [beelladota irraa] tan hudhamtee yookiin rukutamtee yookiin konkolaattee yookiin gaafan waraanamtee ajjeefamte, wanta bineensi nyaate, Nusub irratti wanta qalamee fi xiyyaan carraa laallachuun isin irratti haraama godhame. Kuni fincila. Suuratu Al-Maa'idah 5:3

Rabbiin wantoota kanniin isin irratti haraama godhe: baktii-kana jechuun beellada osoo hin gorra'amiin (hin qalamiin) du'eedha. Dhiiga gadi jiguu fi dhangala'uu dhuguu haraama godhe. Foon booyyee, yeroo qalmaa maqaa Rabbiitiin ala maqaan biraa kan irratti dhayamee, beellada hudhamtee hanga duututti hafuurri ishii qabame, beellada hanga duutuu uleen ykn dhagaan rukutamte, beellada bakka ol fagoo irraa gara gadiitti konkolattee kufuun duute, beellada gaafan waraanamte duute,

beellada bineensi akka waraabessa, qeerransaa f kkf nyaatan isin irratti haraama godhame. Garuu kana irraa wanta adda godhe: beellada hudhamtee, rukutamte, konkolaatte, gaafan waraanamte fi bineensi irraa nyaate duâ€™TMaan dura wanta goorrataniidha. Kana jechuun beellada hudhamtee yookiin rukutamtee yookiin konkolaattee yookiin gaafan waraanamtee ykn bineensi irraa nyaate duâ€™TMuun dura dhaqqabuun yoo gorraatan (qaltan) isiniif halaala.[\[1\]](#)

Akkasumas, wanta sanamaaf qalamee isin irratti haraama godhame. •Nusub irratti wanta qalamee• Ibn Kasiir jecha tana ilaalchise ni jedha: Mujaahidi fi ibn Jureyj ni jedhan: Nusub dhagaalee naannawa Kaâ€™TMaabaa turaniidha. Ibn Jureyj ni jedha: naannawa Kaâ€™TMaabaa nusuba 360 turanâ€™ Rabbiin muâ€™TMmintoota gocha kanarraa isaan dhoowwe. Qalma nusuba biratti qalame nyaachu irraa ni dhoowwe. Inumaa nusuba kana biratti yeroo qalmaa osoo maqaan Rabbii dhayameeyyuu. Suni shirkii Rabbii fi Ergamaan Isaa dhoowwaniidha.â€™• (Tafsiir Ibn Kasiir-2/12=gabaabbinaan)

Gabaabumatti wanti aayah tana irraa hubatamu:

1-maqaa Rabbiitin ala maqaa biraatin wanta qalamee nyaachun haraama. Fakkeenyaaf, •maqaa masiihitin ykn maqaa uzeyritiin ykn maqaa malaykaataniin ykn maqaa nabiyyitiin qalaâ€™• jechuun yeroo qalma dubbachu. Sanama fuundurattis taâ€™TMe sanama irraa fagaates, ibaadan ala wanta biraatifu osoo taâ€™TMeyyuu kuni haraama.[\[2\]](#)

2-Akkasumas, itti dhiyaachuuf Rabbiin ala kan biraatiif wanti qalame ykn wareegame haraama. Fakkeenyaaf •qalmi kuni sanamaaf ykn jinniif ykn malaykaaf ykn waliyyiif ykn ebaluufiâ€™• jedhamee wanta qalame nyaachuun haraama.

3-Ammas, wanti sanama irratti qalamee haraama. Kunis kan taâ€™TMu, sanamni isa fuundura osoo jiruu qalma qala.



Aliyy ibn Abi Xaalib akkana jechuu gabaase: Nabiyyiin sallallahu aleyh wassallam namoota dhoksee iccitiin wanti natti himu hin jiru. Garuu jechoota afur natti hime.â€• Namoonnis akkana jechuun Aliyyiin gaafatan: â€œIsaan sun maalidhaa yaa amiiral muâ€™miniin?â€• Innis ni jedhe: **Nama Rabbiin ala wanta biraatiif wareege Rabbiin abaare**, nama abbaa isaa abaare Rabbiin abaare, nama nama [amanti keessatti] waan haarawa uumef mana kenneef Rabbiin abaare, nama daangaa lafaa jijjiree Rabbiin abaare.â€• [Sahiih Muslim 1978](#)

Wanti kana ifa siif godhu keessaa tokko, namoonni Rabbii oltaâ€™aan ala wanta biraatiif nazrii seenan ykn wareegan, wanti suni faayda ni fida ykn miidhaa ni deebisa jedhanii amanu isaani irraa kan kaâ€™eedha. Haalli kuni wanta isaan irraa mulâ€™atuudha. Beektonni kitaaba isaanii keessatti kana ifa godhanii jiru. Kunoo As-Sanaâ€™aani dhimma kana ifa godha. Faffakeessaa nama Rabbiin ala wanta biraatiif wareegu mormuun akkana jedha: â€œYoo akkana jedhe, Rabbiif jedhe wareege, maqaa isarratti dhaye.â€• Akkana jedhiin, â€œWareegni Rabbiif yoo taâ€™e, sababa maaliif wanta qaltuu balbala awwaalcha biraan dhiyaattee? Kan awwaalcha keessa jiru ol guddisuu barbaaddee?â€• â€œEeyyenâ€• yoo jedhe, akkana isaan jedhi, â€œQalmii kuni Rabbiin ala wanta biraatifi. Inumaa wanta biraa Rabbitti qindeessite (shaarrakte). Yoo isa ol guddisuu hin barbaadin balbala mana qabrii irratti ijaarramee xureessuu fi namoota isatti seenan faalu (najiseessu) barbaaddee? Ati hundema kana akka hin barbaanne sirritti beekta. Kan jalqabaa malee homaa hin barbaanne, isa niyyachuun malee mana keeti hin baane.â€• (Taxhiirul Iâ€™itiqaadi-fuula 33)

Haaluma kanaan, Shawkaaninis gochoonni shirkii kunniin qalbii irraa kan burqan taâ€™uu fi namoonni kana hojjatan isa keessatti faaydaa fi miidhaa akka amanan ni mirkaneessa. Ni jedha: â€œAkkuma kana

namoota du'aniif wareegun (qaluun) isaan gabbaruudha, qabeenya irraa kutaa ta'e isaaniif nazrii (silati) seenun isaan gabbaruudha. Isaan ol guddisuun isaan gabbaruudha. Akkuma ibaadaf qaluun, qabeenya irraa sadaqaa kennuun, gadi of qabuun, gadi of xiqqeessuun, Rabbii olta'aaf ibaadaa ta'e. Namni dhimmoota lamaan jidduu garaagarummaan ni jira jechuun odeesse, ragaa nuuf haa dhiyeessu. Namni namoota du'an kadhachuun, isaaniif wareegu fi silatii seenuun isaan gabbaruuf hin niyyannee jedhe, akkana isaan jedhi, 'Barbaachisummaa maaliif gocha kana hojjatte ree? Yeroo rakkoon sitti bu'u nama du' kadhachuun kee wanta qalbii kee keessa jiru kan arrabni kee ibseef malee waan biraatiif ta'uu hin danda'u. Haaluma kanaan, Rabbiif jettee kan wareegdu fi Rabbiif nazrii kan seentu yoo taate, hiika maalitiif nama du'eef kana gootee qabrii isaa bira fiddee? Dhugumatti, hiyyeeyyin dachii irra bakka kamiyyuu ni jiru. Ati waa hubatte osoo jirtuu, niyyaa duraan niyyatteef ykn dhimma duraan barbaaddef malee hojiin kee homaafu hin ta'u. (Ad-Daru An-Nadiidu fii iklaasi kalimatu tawhiid-fuula 20-21)

Nama du'eef ykn jinniif nazrii (silati) seenuun yookiin qalma qaluun shirkiidha.

Kitaabban wabii:

[1] Tafsiiru Muyassar-107, Tafsiiru Qur'aanil Kariim-suuratu Al-Maa'idah-jiildi 1, fuula 39-40, Ibn Useymiin [2] Tafsiiru Qur'aanil Kariim-suuratu Al-Maa'idah-jiildi 1, fuula 39-40, Ibn Useymiin
['Nawaaqidul Iimaani al-qawliyah wal amalayah](#) • fuula 269-271 Abdulaziz bin Muhammad

Date Created

September 10, 2020

Author

admin